



SO

# *Caruurta cōdsanaysa magangalyo caalami ah*

Warbixinta caruurta aan cidna la socon ee dalbanaya  
magangalyo caalami ah sida uu qabo qodabka 4 ee  
xeerka (eu) ee lambarkiisu yahay 604/2013

Sababta aan kuu siinay warqadan waxaa weeye waxaad sheegtay baahida aad u qabto magangalyo waxaadna noo sheegtay inaad ka yartahay da'da 18 sano. Haddii aad ka yartahay 18 sano jir, waxaa laguu tixagalinaya inaad tahay caruur. Sidoo kale waxaad maqli doontaa maamulka oo adiga kugu tilaamaya 'ilmo yar', taasoo la macno ah caruur. Maamulku waa dadka masuulka ka ah go'aan ka gaarista sheegashadaada magangalyo.

**Haddii aad halkan magangalyo ka radinayso iyadoo ay sababtu tahay inaad ka cabsnayso wadankaagii asalka, waxaan tan ugu yeernaa 'magangalyo doon'. Magangalin waa meesha lagugu siinayo magangalyada iyo badbaadinta.**

Markaad maamulka u qorto codsi rasmi ah oo aad ku waydiisanayso magangalyo, sharcigu wuxuu tan ugu yeedhaa 'dalbasho ama codsi magangalyo caalami ah'. Qofka waydiista magangalyo waxaa la dhahaa 'dalbade'. Mararka qaar waxaad maqli doontaa dadka oo kuugu yeeraya 'magangalyo doon'.


Waa inay waalidkaa kula socdaan, laakiin hadeysan kula socon ama haddii aad ku kala tagteen jidka, waxaad tahay '**ilmo aan lala socon**'.

Xaaladdan, waxaan ku siin doonaa 'wakiil'. Kaasoo qof wayn ah kaas oo kaa caawin doona habka nidmaaka. Isagu ama iyadu, wuxuu kaa caawin doonaa dalbashadaada wuxuuna kuu wehelin doonaa marka lagaa rabo inaad maamulka la hadasho. Waxaad wakiilkaaga kala hadli kartaa dhibaatooyinkaaga iyo cabsiyaha aad qabto. Wakiilkaagu wuxuu halkan u joogaa inuu xaqiijiyo in la tixgaliyo dantaada ugu muhiimsan, taasoo macnaheedu yahay baahiyahaaga, badqabkaaga, caafimaad qaabkaaga, hormarka bulsheed iyo in fikradahaaga xisaabta lagu darsado. Wakiilkaagu wuxuu sidoo kale xisaabta ku darsan doonaa suurtagalnimada in qoyskiina dib la iskugu keeno.

**Warqadan waxaa loogu talagalay warbixin kali ah. Hadafka laga leeyahay waa in la siiyo dalbadayaasha raadinaya magangalyada caalamiga ah warbixin ku haboon sida uu qabo nidaamka Dublin. Iyadu ma abuurayso/keenayso xuquuq ama waajibaad sharci ah. Xuquuqaha iyo waajibaadka Gobalka iyo shakhsigaba waxaa cadeeyay nidaamka Dublin waxaana lagu dajiyay Xeerka (EU) 604/2013.**

©Midowga Yurub 2014

Dib usoosaaridda waa la ogalyahay. Wixii isticmaalid ah ama dib usoo saarid sawirada shakhsiga ah, waa in ogalaansho laga dalbadaa cidda tooska u leh xuquuqda daabacaadda.



Wadamada Dublin waxaa ku jira 28ka wadan ee Midowga Yurub Ayrlandi (IE), Biljam (BE), Bolaandi (PL), Bulgeriya (BG), Danmarki (DK), Faransa (FR), Fiilaan (FI), Giriig (EL), Hangari (HU), Isbayn (ES), Isloofaakiya (SK), Isloofeeniya (SI), Istooniya (EE), Iswiidhan (SE), Jarnani (DE), Jeeg Ribablik (CZ), Karooshiya (HR), Khubras (CY), Laadfiya (LV), Laxanbargi (LX), Litu'aaniya (LT), Malta (MT), Nedarlandi (NL), Ostariya (AT), Purtaqis (PT), Roomaaniya (RO), Talyaani (IT), Yunaytidh Kiingidhoom (UK), iyo sidoo kale 4ta wadan ee la « xiriirta » Xeerka Dublin Noorwey (NO), Ayslaandhi (IS), Iswiisarlaandhi (CH), iyo Liitenistiin (LI)



## HADDII AY JIRAAWAX AADAN FAHMIN, WAYDIISO WAKIILKAAGA AMA MAAMULKAYAGA SI AY KUU CAAWIYAAN!

Inkastood wadankan magangalyo waydiisatay, waxaa laga yaabaa in wadan kale ay tahay in uu baaro codsigaaga magangalyo.

Hal wadan oo kaliya ayaa masuul ka noqon kara tixgalinta codsigaaga magangalyo. Kaas oo uu qoondeeyo sharciga la dhaho '**Xeerka Dublin**'. Sharcigan wuxuu nooga baahanyahay inaan ogaano inaan masuul ka nahay inaan baadhno dalabkaaga ama in wadan kale uu masuul kayahay – tan waxaan ugu yeedhnnaa 'nidaamka Dublin'.

Sharcigan wuxuu ka shaqaynayaan gobalka juquraafi ahaan ay kujiraan 32 dal<sup>1)</sup>. Warqaddan dhexdeeda, waxaan ugu yeernaa 32dan dal 'wadamada Dublin'.

Maamulka ha ka cararin ama ha u cararin wadan kale oo dublin katirsan. Dadka qaar baa ku dhahaya sidan ayaa ah waxa ugu wanaagan ee la sameeyo. Haddii uu qof ku dhaho carar, ama i raac, u sheeg wakiilkaaga ama maamulka si dhakhso ah.

Fadlan sida ugu dhakhso badan uguna macquulsan ugu sheeg maamulka gobalka haddii:

- *Aad kaligaa tahay oo aad u malaynayso in hooyadaa, aabahaa, walaalkaa ama walaashaa, eedadaa<sup>2)</sup>, adeerkaa ama abtigaa<sup>3)</sup>, ayaydaa ay joogaan mid kamid ah 32da dal ee wadamada Dublin ee ka muuqda khariiradda bogga 3;*
- *Haddii ay saas tahay, inaad rabto inaad iyaga la noolaato iyo inakle;*
- *Haddii aad horey usoo joogtay mid kaloo ka mid ah 32da dal ee 'wadamada Dublin' ee la sheegay;*
- *Faraha lagaaga qaaday wadan kale oo ka tirsan wadamada Dublin: faraha la iska qaado waa sawir farahaaga laga qaado kaasoo caawinaya in lagu garto;*
- *Aad horey magangalyo uga dalbatay wadan kale oo Dublin katirsan.*

### **AAD BAY MUHIIM U TAHAY INAAD LA SHAQAYSO MAAMULKA GOBALKA OO AAD MARKASTA RUNTA U SHEEGTO.**

Sistamka Dublin wuu ku caawin karaa haddii aysan ku wehlin waalid markaad dalbanayso magangalyada.

Haddii aan hayno warbixin nagu filan oo iyaga ku saabsan, waxaan kuu raadin doonaa waalidkaa ama qaraabadaada joogta wadamada Dublin. Haddii aan helno, waxaan isku dayi doonaa inaan iskugu kiin keeno wadanka uu waalidkaa ama qaraabadaadu joogaan. Wadankaas ayaa marka masuul ka noqon doona baadhista codsigaaga magangalyo.

Haddii aad kaligaa tahay oo aadan haysan qoys ama qaraabo kuu joogta wadan

---

1) **Bogga 3 waxa ku yaalla khariiradda gobalkan()**

2) **Hooyadaa walasheed ama aabahaa walashii**

3) **Hooyadaa walaalkeed ama aabahaa walaalkii**

kale oo Dublin katirsan, waxay u badantahay in codsigaaga lagu baaro wadankan. Waxaan sidoo kale dooran karnaa inaan codsigaaga ku baadhno wadankan, xitaa haddii sharci ahaan uu wadan kale masuuliyadda leeyahay. Waxaan sidan u samayn karnaa binii'aadantinimo, qoys ahaan ama sababo dhaqan la xiriira.

Inta lagu guda jiro nidaamkan, **waxaan markasta ka shaqaynaynaa sida kuu fican**, kuumana diri doono wadan la ogyahay in lagu tumanayo xuquuqdaada aadantinimo.

Maxaa laga wadaa **waxaan markasta ka shaqaynaynaa sida kuu fican?** Waxaa laga wadaa:

- Waxaan firin doonaa inay macquul tahay in qoyskiina la iskugu kiin keeno isla hal wadan;
- Waxaan xaqijin doonaa inaad amni iyo nabad heshid, gaar ahaan inaad ka heshid amni dadka laga yaabo inay si xun kuula dhaqmaan/ku waxyeeleeyaan;
- Waxaan xaqijin doonaa inaad u korto hab ammaan ah oo caafimaad leh, iyo inaad hesho cunto iyo guri iyo in laga shaqeeyo sidii lagu heli lahaa hormarka buslheed eed u baahantahay;
- Waxaan xisaabta kudarsan doonaa fikradahaaga – tusaale ahaan, sida inaad rabto inaad qaraabada la joogto iyo inaadan rabin.



## Da'daada

Dadka ka wayn 18 sano waa "dad waaweyn" waxaa loola dhaqmaa si ka duwan sida caruurta iyo yaryarka ("ilmaha").

Fadlan da'daada ka run sheeg.

Haddii aad haysato wax dikuminti ah oo tusinaya da'daada, la wadaag maamulka. Haddii maamulku ay da'daada su'aal ka qabaan, waxaa macquul ah in uu dhakhtar ku baadho si uu u arko inaad ka wayntahay ama ka yartahay 18 jir. Adiga iyo/ama wakiilkaagu waa inaad marka hore arintan isku raacdaan ka hor intaan la samayn wax baadhis caafimaad ah.

LAYMANKA SOO SOCDA WAXAAN ISKU DAYI DOONAA INAAN UGA JAWAABNO SU'AALAHU UGU BADAN EE LAGA YAABO INAAD KA QABTO NIDAAMKA DUBLIN , WAY KU CAAWIN KARTAA WAXAYNA KAA CAAWIN KARTAA WAXA AAD RAJAYNAYSO INAY DHACAAN:

## **Faraha la iska qaado – Maxay yihiin? Maxaa loo qaadaya?**


Markaad codsato magangalyo, haddii aad tahay 14 jir iyo kawayn, sawir farhaaga ah (oo la dhaho "faro qaadis") ayaa la qaadi doonaa waxaana loo gudbin doonaa kaydka xogta la yiraahdo "Eurodac". Waa inaad wada shaqayn ka gaysataa habkan, - dhamaan dadka magangalayada dalbada wuxuu sharcigu ku waajib yeelay in faraha laga qaado.

Faraha lagaa qaaday waxaa laga hubin karaa isla meesha si loo eego in aad waligaa codsatay magangalyo hadda ka hor ama in la eego in horaan faraha lagaaga qaaday meel xuduud ah. Haddii la ogaado in aad horey magangalyo uga dalbatay wadan kale oo Dublin katirsan, waxaa laguu diri karaa wadankaas haddii ay dantaada ku jirto inaad halkaas tagto. Wadnakan ayaa markaa masuul ka noqn doona baadhitaanka codsigaaga magangalyada caalamiga ah.

Faraha lagaa qaaday waxaa la kaydin doonaa 10 sano. 10 sano kadib, si otomaatig ah ayaa looga tirtiri doonaa kaydka xogta. Haddii aad ku guulaysato codsigaaga magangalayada, faraha lagaa qaaday waxay ku jiri doonaan kaydka xogta ilaa si otomaatig ah looga tirtiro. Haddii, markaa kadib, aad muwaadin ka noqoto wadan ka tirsan Dublin, faraha lagaa qaaday waa la tiritiri doonaa. Kaliya farhaaga iyo jinsigaaga ayaa lagu kaydin doonaa Eurodac – magacaaga, sawirkaaga, taariikhdaada dhalasho iyo asalkaaga looma diri doono kaydka xogta ama lama kaydin doono. Sikastase ha haatee, maclumaaqdan waxaa lagu kaydin karaa kaydkayaga xogta qaranka. Xogta lagu kaydiyo Eurodac lalama wadaagi doono wax wadan ah oo kale ama urur ka baxsan wadamada Dublin.

Marka la gaaro 20ka Julaay 2015, farahaaga waxaa baadhi kara maamulada sida booliska iyo xafiska booliska Yurub (Europol) waxayna codsan karaan inay galaangal u yeeshaan kaydka xogta Eurodac iyadoo ay ujeedadu tahay ka hortagidda, dareemidda iyo baadhista danbiyada khatarta ah iyo argagixisada.





## Warbixinteed xaqijin doontaa inay maamulada gobalku ka ogaadaan xaaladaada?

Waxay u badantahay in lagu warysto si loo awoodo in la go'aansado wadanka masuulka ka ah baadhista codsigaaga magangalyo. Waraysigan, maamuladayada gobalka ayaa kuu sharixi doona 'nidaamka Dublin' waxayna isku dayi doonaan inay ogaadaan haddey macquul tahay in dib la iskugu kiin geeyo qoyskiina jooga wadan kale oo Dublin katirsan.

Haddii aad ogtahay in waalidkaa, walalahaa ama qarabaada ay joogaan wadan kale oo katirsan Dublin, fadlan ha illoobin inaad tan u sheegto qofka ku waraysanaya. Na sii warbixin badan inta aad karto ee macquulka ah si ay nooga cawiso inaan helno qoyskaaga – magacyadooda, ciwaankooda, lambaradooda telfoonka, iwm.

Inta lagu guda jiro waraysiga, waxaa laga yabaa in sidoo kale lagu waydiyo in

aad horey u joogtay wadan kale oo Dublin katirsan iyo inkale. Fadlan runta sheeg.

Wakiilkaaga ayaa kugu wahelin kara waraysiga, si uu kuu siiyo caawin iyo taageero iyo si uu u sameeyo waxa adiga kuugu fiican. Haddii aad haysid wax sababo ah oo aadan u rabin in wakiilkaagu uu halkaas kula tago, waa inaad u sheegtaa maamulada gobalka.

**WARAYSIGA BILOWGIISA, WARAYSTAHA IYO WAKIILKAAGU WAXAY KUU SHARIKI DOONAAN NIDAAMYADA IYO XUQUUQAHAAAGA HADDII AY JIRAAWAX AADAN FAHMIN, AMA AAD SU'ALO KALE QABTO, FADLAN IYAGA WAYDII!**

Waraysigu waa xaq aad leedahay waana qayb muhiim ah oo ka mid ah dalbashadaada.

Waraysiga waxaa lagaaga qaadi doonaa luuqad aad fahmi karto. Haddii aadan awoodin inaad fahanto luuqadda la isticmaalayo, waxaad waydiisan kartaa turjumaan si uu wadahadalka kaaga caawiyo. Turjumaanku waa inuu turjumaa waxaad adiga iyo waraystuhu dhahaysaan oo kali ah. Turjumaanku waa inuuusan ku darin fikradhiisa shakhsiyeed. Haddii ay dhibaato kaa haysato fahmizza turjumaanka, waa inaad noo sheegtaa oo aad la hadashaa wakiilkaaga.

Waraysigu wuxuu ahaan doonaa sir. Tan macnaheedu waxaa weeye warbixinta aad bixiso, oo ay ku jirto xaqiqada ah inaad magangalyo ka codsatay wadankayaga looma diri doono shakhsiyad ama muumul laga yaabo in ay si un waxyeello kuugu gaystaan ama ay waxyeelo u gaystaan xubin qoyskaaga ka mid ah kaasoo wali jooga wadankaagii hooyo.

**WAA MUHIIM IN ADIGA IYO WAKIILKAAGUBA AAD KA WARHAYSAAN QAAB DHISMEEDKA WAKHTIYADA NIDMAAKA DUBLIN!**

## **Intee in le eg ayay qaadanaysaa ka hor intaydaan ogaan inaan wadan kale aadayo iyo inaan halkan joogayo?**

### **Maxaa dhacaya haddii la ogaado in wadan kale uu masuul kayahay baadhista dalbashadaada?**

→ Haddii ay tani tahay dalbashadaadii magangalyo ee ugu horeysay eed ka samaysay wadan Dublin katirsan, waxaa laguu diri doonaa wadan kale sababtoo ah waxaa wadankaas jooga hooyadaa, aabahaa, walaalkaa, walaashaa, eedadaa adeerkaa, abtigaa, ayaydaa hooyo, ayaydaa aabbe, iyaga ayaadna ku biiri doontaa oo aad wada gali doontaan baadhista codsiga magangalyo.<sup>4)</sup>

→ Haddii aadan halkan ka dalban magangalyo, laakiin aad magangalyo ka dalbatay wadan kale oo Dublin katirsan wakhti lasoo dhaafay, waxaa dib laguugu diri karaa wadankaas si maamulka halkaas ka jira ay u tixgaliyaan dalabakaaga<sup>5)</sup>

**Labada siyaaboodba, waxay qaadan kartaa ilaa shan bilood in la qaato go'aan laguugu wareejinayo wadan kale oo Dublin katirsan, ha ka bilaabato wakhtiga aad magangalyada codsatay ama ha kabiliaabato wakhtiga aan ogaano inaad magangalyo caalami ah ka dalbatay wadan kale oo Dublin katirsan. Maamuladda ayaa kugu wargalin doona go'aankan sida ugu dhakhsaha badan uguna macquulsan kadib marka go'aanka la gaaro.**

→ Haddii aadan magangalyo waydiisan wadankan, oo dalbashadaadii magangalyada wadanka kalana la diiday, kadib markii si buuxda loo baaray, waxaan waydiisanaynaa in wadanka kale uu dib kuu celiyo ama aan sii wadno sidii laguugu celin lahaa wadankii aad asal ahaan kasoo jeeday ama lagu siiyo magangalyo joogta ah, ama laguu diro wadan sadexaad oo kale oo amni ah.

Haddii aan go'aansano in wadan kale uu masuul kayahay dalabkaaga magangalyo, marka wadanka la waydiistay inuu qaado masuuliyadaada uu aqbaloo inuu saas

---

4) Waxaad maqli kartaa dadka oo tan ku tilmaamaya 'xukun qaadasho'.

5) Waxaad maqli kartaa dadka oo tan ku tilmaamaya 'dib u celin'.

yeelo, waxaa si rasmi ah laguugu wargalin doonaa xaqiiqada ah in codsigaaga aad ku doonaysid magangalyada caalamiga ah aanaan baadhi doonin oo aan markaas kuu wareejin doono wadanka masuulka ka ah.

Wareejintaadu waxay ku dhici doontaa lix bilood gudahood oo ka bilaabmata wakhtiga wadanka kale uu aqbalay masuuliyaddaada, ama go'aanka kama danbaysta ah laga gaaro racfaanka ama dib u eegista, haddii aadan ogalaan oo aad go'aansato inaad ka dooddo go'aankan, (fiiri qaybta hoose ee sharaxaysa waxa tan loola jeedo!). Xadidka wakhtigan waxaa loo kordhin doonaa hal sano haddii lagu xidho, ama ilaa 18 bilood hadaad baxsato ood cararto.



©iStockphoto / Joe Gough

# **Maxaa dhacaya hadaadan rabin inaad aaddo wadan kale?**

## **TAN KALA HADAL WAKIILKAAGA!**

Haddii aan go'aansano inaaad aaddo wadan kale si halkaas codsigaaga loogu baadho oo aad taas diido, waxaa suurtagal ah inaad ka dooddo go'aanka wareejinta. Tan waxaan ugu yeernaa 'racfaan' ama 'dib u eegis'.

Markaad maamulka go'aanka ka hesho, waxaad haysataa 14 maalmood si aad racfaan ugu gudbiso Maxkamadda Goboleedka Maamulka ee Vilnius. Aad bay muhiim u tahay inaad racfaanka ku gudbiso inta lgu guda jiro wakhigaas la tilmaamay. Wakiilkaagu waa inuu tan kaa caawiyyaa.

- Waxaad haysataa 14 maalmood si aad u codsato in wareejintaada la joojiyo inta racfaankaaga labaadhayo (codsiga waa in la raaciyo racfaanka). Maxkamad ama xeer beeg ayaa waxyar kadib go'aan ka gaari doonta codsigan. Haddii ay kuu diidaan joojinta, waxaa laguu sheegi doonaa sababaha arintas keentay.
- Dhinaca danbe ee warqaddan waxaa ku qoran warbixinta meesha lagala xiriirayo masuuliyiinta marka la rabo in racfaan laga qaato go'aanka wadankan.
- Inta lagu guda jiro nidaamka 'racfaanka' waxaa lagu siin doonaa caawin sharci iyo, haddey macquul tahay caawin luuqadeed ood ka hesho turjumaan. Waxaad waydiisan kartaa in lagu siiyo caawin sharci oo lacag la'an ah haddii aadan lacag u haysan. Dhinaca danbe ee warqaddan waxaa ku yaalla macluumaadka faahfaahinta meesha lagala xiriirayo ururada bixiya caawinta sharci oo kaa caawin kara racfaankaaga.

## Xidhid

Dadka aan xor u ahayn in ay u safraan meeshay rabaan oo dagan dhisme xidhan oo aysan ka tagi karin waxaa la dhahaa way 'xidhanyihiin'.

Haddii aad tahay ilmo aan cidina la socon waxaa laga yaabaa inaad ku noolaato guri ay shuruuc ka jirto sidaa owgeed, waa inaad habaynkii gudaha joogtaa ama markey mugdi tahay habaynkii, ama shuruucda macnahoodu yahay inaad u sheegto dadka ku ilaalinaya markaad dibadda u baxaysid ood rabto inaad soo noqoto. Shrucuudan waxay u jiraan in la ilaaliyo ammaankaaga. Tan macnaheedu ma aha inaad ku jirto meel xabsi ah.

### CARUURTA WALIGOOD LAMA XIDHO!

**Miyaad ku jirtaa meelaha la isku xidho? Haddii aadan hubin inaad xidhantahay, fadlan maamulka waydii, wakiilkaaga ama lataliyahaaga sharci<sup>6)</sup> sida ugu dhakhsaha badan ugana macquulsan. Kadib iyaga ayaad kala hadli kartaa wixii ku saabsan xaladaada haddii aad xidhantahayna waxaad kala hadli kartaa inay macquul tahay inaad ka dooddo go'aanka xidhista!**

Waxaa jira khatarta ah in laga yaabo in lagu xidho inta lagu guda jiro nidaamka Dublin. Inta badan, tani waxay dhacdaa marka maamulada gobalku aysan rumaysnayn inaad ka yartahay 18 sano oo ay ka cabsanyaan in laga yaabo inaad baxsato ama aad ka dhuumato iyadoo ay sababtu tahay inaad ka cabsanaysid in laguu diro wadan kale.

Waxaad xaq u leedahay in qoraal ahaan laguugu soo sheego sababaha laguu xidhay, iyo sidoo kale macquulgalnimada inaad ka doodi karto amarka xidhingga. Waxaad sidoo kale xaq u leedahay caawin sharci haddii aad rabto inaad ka dooddo amarka xadhingga, sidaa darteed lahadal walkiilkaaga ama lataliyahaaga sharci haddii aadan faraxsanayn.

---

6) Qof ay maamulku u aqoonsanyihiin inuu danaahaga ka shaqaynaya sharciga hortiisa. Wakiilkaagu iyo/ama maamulku waa inay kaala taliyaan inaad u baahantahay mid, laakiin sidoo kale waxaad waydiisan kartaa inay mid adiga ku matala magacaabaan. Ka fiiri dhabarka warqaddan ururada kusiin kara qareen sharci oo ku matala.

Haddii lagu xidho inta lagu guda jiro nidaamka Dublin, qaab dhismeedka wakhtiga nidaamkaaga wuxuu noqon doonaa sida soo socota: waa inaan waydiinaa wadanka kale inuu masuuliyadda ku qaato **hal bil** gudaheed oo kabiliaabmata wakhtiga gudbinta dalabkaaga magangalyo. Wadanka codsiga loo diray waa inuu ku soo jawabaa **laba asbuuc** gudahood wakhtigaas kadib. Ugu danbayntii, haddii aad ku jirto meesha la isku xidho, wareejintaada waxaa lagu fulinaya **lix asbuuc** gudahood oo ka bilaabmata aqbalaadda codsiga ee wadanka masuulka ka ah.

Haddii aad go'aansato inaad ka dooddo go'aanka wareejinta marka aad kujirto meesha la isku xidho, maamulada gobalku awood uma laha inay kugu wareejiyaan lix bilood gudahood. Maamulada gobalku way kusoo wargalin doonaan kadibna adiga ayay ku jirtaa xulashooyinku.

Haddii maamulada gobalku aysan u hogaansamin qaab dhismeedka wakhtiga ee ay ku waydiinayaan wadan kale inuu qaado masuuliyadaada, ama aysan wareejintaada ku fulin wakhtigii loogu talgalay, xidhitaankaaga ama sii hayntaada looga danlahaa wareejinta sida uu qabo Xeerka Dublin wuu dhamaan doonaa. Markay saas tahay, wakhtiyadii caadiga ahaa ee la xadiday ee lagu sheegay bogga 11 ayaan ku dabakhmi doona.



© European Union



## Maxay yihiin xuquuqaha aad leedahay inta lagu jiro mudada aan ku go'aansanayno cidda masuulka kaa ah?

Waxaad xaq u leedahay inaad wadankan joogto haddii aan anagu masuul kanahay baadhista codsigaaga magangalyo, ama, haddii wadan kale uu masuul kayahay, ilaa halkaas lagaaga wareejinayo. Haddii wadanka aad hadda joogto uu masuul kayahay baadhista codsigaaga magangalyo, waxaad xaq u leedahay inaad halkan joogto ugu yaraan ilaa go'aanka ugu horeeya laga qaadanayo dalabkaaga magangalyo. Sidoo kale waxaa kuu qoran inaad ka faa'iidaysato nacfiga gobta tusaale ahaan deegaan, cunto, iwm. iyo sidoo kale daryeelka caafimaad ee asaasiga ah iyo caawinta caafimaad ee amarjansiga ah. Sidoo kale waxaad xaq u leedahay inaad iskuul dhigato.

Waxaa lagu siin doonaa fursadda aad nagu siinaysid warbixinta ku saabsan xaaladaada iyo joogitaanka xubno qoyskaaga ka mid ah wadamada Dublin taas ood noogu sheegaysid hadal iyo/ama qoraal marka aad saas samaynaysidna, inaad isticmaasho luuqadaada hooyo ee aad sida wanaagsan ugu hadasho (ama waxaad heli turjumaan haddii loo baahdo). Sidoo kale waxaad heli doontaa go'aan qoraal ah oo laguugu wareejinayo wadan kale. Sidoo kale waxaa laguu ogalyahay inaad nagala soo xiriirto wixii warbixin dheeri ah iyo/ama inaad la xiriirto xafiiska Haayadda Qaxootiga Aduunka (UNHCR) ee wadankan.

## Wakiilkaaga iyo maamulada gobalka ayaa kuu sharixi doona waxbadan oo kusaabsan xuquuqahaaga!

## **Maxaa ku dhici doona warbxinta shakhsiyeed ee aad bixiso? Sideen ku ogaan karaa inaan loo isticmaalin ujeeddo khaldan?**

Maamulada wadamada Dublin waxay iswaydaarsan karaan wabrixinta aad bixinayso inta lagu gudo jiro nidaamka Dublin oo kaliya si ay u gutaan waajibaadkooda sida uu qabo Xeerka Dublin.

Waxaad xaq u yeelan doontaa inaad galaangal u lahaato:

- Warbixinta kula xiriirta. Waxaad xaq u leedahay inaad codsato in xogtaas la badalo hadeysan sax ahayn ama aysan run ahayn, ama la tirtiro haddii loo baroosees gareeyay si aan sharci ahayn;
- Warbixinta sharaxaysa sida loo codsado in xogtaada la saxo ama la tiritiro, oo ay ku jiraan macluumaadka meesha lagaala xiriirayo cidda ay khusayso ee loo aqoonsaday inay masuul kayhiin nidaamkaaga Dublin, iyo maamulka ilaalinta xogta qaranka ee masuulka ka ah codsiyada dhagaysiga dacwadaha khuseeya ilaalinta xogta shakhsiyeed.

## XAGEED CAAWIN U RAADSAN KARTAA?

Aqoonsiga iyo macluumaadka meesha lagala xiriirayo maamulka masuulka magangalyada iyo ka ah fulinta nidaamka Dublin / ilaaliyaha Eurodac

### **Waaxda Socdaalka ee hoos timaadda Wasaaradda Arimaha Gudaha**

L. Sapiegos str. 1, 10312 Vilnius  
Tel: +370 5 271 7112  
Email: md.rastine@vrm.lt  
<http://www.migracija.lt>

Magaca, ciwaanka macluumaadka meesha lagala xiriryo ururada wakiilada siiya caruurga aan cidina la socon

### **Xarunta Qabilidda Qaxootiga**

Karaliaus Mindaugo str. 18,  
55283 Rukla, Jonava district  
Tel: +370 3 497 3377, +370 698 48776  
Email: centras@rppc.lt  
<http://www.rppc.lt>

Ciwaanka iyo macluumaadka meesha lagala xiriirayo maamulka qaranka ee u xilsaaran ilaalinta caruurga

### **Hay'adda Wakiilka (Ombudsman) Xaquuqda Caruurtaa ee Jamhuuriyada Litu'aaniya**

Plačioji str. 10, 01308 Vilnius  
Tel: +370 5 2107176  
Email: vaikams@lrs.lt  
<http://vaikams.lrs.lt>

### **Hay'adda Ilaalinta Xaquuqda Caruurtaa ee Qaranka ee Hoostimaada Wasaaradda Arimaha Bulshada iyo Shaqada**

A. Vivulskio str. 13, 03221 Vilnius  
Tel: +370 5 231 0928  
Email: info@vaikoteises.lt  
<http://www.vaikoteises.lt>

Macluumaadka haayadda  
Kormeerista Maamulka Qaranka  
(Ilaalinta Xogta)

### **Hay'adda Kormeerta Ilaalinta Xogta Qaranka**

A. Juozapavičiaus str. 6, 09310 Vilnius  
Tel: +370 5 271 2804, +370 5 279 1445  
Email: ada@ada.lt  
<https://www.ada.lt>

Macluumaadka meesha lagala xiriirayo xafiiska UNHCR ee deegaanka iyo doorkeeda

**Xaafiska Hay'adda Qaxootiga ee Qaramada Midoobay (UNHCR) ee Litu'aaniya**

A. Jakšto str. 12, 01105 Vilnius

Tel: +370 5 210 7416

Email: kules@unhcr.org

<http://www.unhcr.se/lt/home.html>

*UNHCR waxay bixinaysaa macluumaad iyo talo quysaya nidaamka qaxootiga iyo caawinada ay heli karaan qaxootiga iyo magangalyo-doonka jooga Litu'aaniya.*

Macluumaadka meesha lagala xiriirayo IOM iyo doorkeeda

**Xaafiska Vilnius ee Hay'adda Caalamiga ah ee Socdaalka (IOM)**

A. Jakšto str. 12, 01105 Vilnius

Tel: +370 5 261 0115

Email: iomvilnius@iom.lt

<http://www.iom.lt>

*IOM waxay bixinasa caawinaad isqtiyaari ah, taas oo lagu bixiyo si matalaysa baahida qof da'yar, oo balanqaadysa in si amaan ah ay ku noqdaan. IOM waxay caawinaad dajin siisaa da'yarta u baahan in laga caawiyo in la dajiyodalkii ay ka yimaadeen.*

Hay'ada laanqayrta cas iyo doorkeeda

**Hay'adda Laanqayrta Cas ee Litu'aaniya**

A. Juozapavičiaus str. 10A,

09316 Vilnius

Tel: +370 5 212 7322, +370 686 30 050

Email: [info@redcross.lt](mailto:info@redcross.lt)

<http://www.redcross.lt>

*Hay'adda Laanqayrta Cas ee Lithuania waxay bixisaa caawinaad sharci iyo caawinaad in la raadiyo dad qoys ah oo kala dhumay.*

Macluumaadka meesha lagala xariiro ururada taageera qaxootiga/ilmaha

**Caritas oo ka mid ah Archdiocese ee Vilnius**

Odminių str. 12, 01122 Vilnius

Tel: +370 5 261 1014

Email: [info@vilnius.caritas.lt](mailto:info@vilnius.caritas.lt)

<http://www.vilnius.caritas.lt>

*Hadii aad rabto in lagaa caawiyo in aad go'aan diido, oo aadan awoodin qarashka sharciga, fadlan la xariir Waaxda Socdaalka ee hoostimaada Wasaaradda Arimaha Gudaha.*

doi:10.2847/21745

ISBN 978-92-9243-176-1



Publications Office